

摘藻堂四庫全書薈要

集部

欽定四庫全書會要

集部

欽定全唐詩卷三百三十六  
四至

詳校官候補通詩經歷臣郭祚撰



欽定四庫全書薈要卷一萬七千七百三十九集部

御定全唐詩卷三百三十四

令狐楚

楚字殼士宜州華原人貞元七年及第由太原掌書記至判官德宗好文每省太原奏必能辨楚所為數

稱之召授右拾遺憲宗時累擢職方員外郎知制誥皇甫鏞薦為翰林學士進中書舍人出為華州刺史鏞既相復薦楚為中書侍郎同平章事穆宗即位進門下侍

郎尋出為宣歙觀察使貶衡州刺史再徙太子賓客分  
司東都長慶二年擢陝虢觀察使敬宗立拜楚為河南  
尹遷宣武節度使入為戶部尚書俄拜東都留守徙天  
平節度使召為吏部尚書檢校尚書右僕射進拜左僕  
射彭陽郡公開成元年上疏辭位拜山南西道節度使  
卒贈司空謚曰文集一百三十卷歌詩一卷今編詩一  
卷

夏至日衡陽郡齋書懷

一來江城守七見江月圓  
齒髮將六十鄉關起三千  
塞惟罕遊觀閉閣多沈眠  
新節還復至故交盡相捐  
何時  
玃閭闔上訴高高天

八月十七日夜書懷

三五既不留二八又還過  
金蟾著未出玉樹悲稍破  
誰向西園遊空歸北堂臥  
佳期信難得永夕無可奈  
撫枕  
獨高歌煩君為予和

九日言懷

二九即重陽天清野菊黃近來逢此日多是在他鄉晚  
色霞千片秋聲鴈一行不能高處望恐斷老人腸

和寄竇七中丞

仙吏秦娥別新詩鄂渚來才推今北斗職賦舊三台雕  
鏤心偏許緘封手自開何年相贈答却得到中臺

立秋日悲懷

清曉上高臺秋風今日來又添新節恨猶抱故年哀淚  
豈揮能盡泉終閉不開更傷春月過私服示無縑

秋懷寄錢侍郎

晚歲俱為郡，新秋各異鄉。  
燕鴻一聲叫，郢樹盡青蒼。  
山露侵衣潤，江風捲簾涼。  
相思如漢水，日夜向潯陽。

立秋日

平日本多恨，新秋偏易悲。  
燕詞如惜別，柳意已呈衰。  
事國終無補，還家未有期。  
心中舊氣味，苦校去年時。

贈毛仙翁

宣州渾是上清宮，客有真人  
貌似童。紺髮垂纓光鬢鬣，

聲 醜 上

細髯綠領綠茸茸壺中藥物梯霞訣肘後方書縮  
地功既許焚香為弟子願教年紀共椿同

遊義興寺寄上李逢吉相公

柳營無事詣蓮宮

相公久  
住此寺

步步猶疑是夢中勞役徒為

萬夫長閒遊曾與二人同鳳鸞

一作  
皇

飛去仙巢在龍象

潛來講席空松下花飛頻佇立一心千里憶梁公

遊晉祠上李逢吉相公

不立晉祠三十年白頭重到一凄然泉聲自昔鏘寒玉



草色雖秋耀翠鈿  
少壯同遊寧有數  
尊榮再會便無緣  
相思臨水下雙淚  
寄入并汾向洛川

節度宣武酬樂天夢得

蓬萊仙監

樂天

客曹郎

劉為主客

曾枉高車容大梁  
見擁旌旄

治軍旅知親筆硯  
事文章愁看柳色懸  
離恨憶遞花枝  
助酒狂洛下相逢肯  
相寄南金瑑錯玉淒涼

奉和嚴司空重陽日  
同崔常侍崔郎及諸公登  
龍山落帽臺佳宴

謝公秋思渺天涯蠟屐登高為菊花貴重近臣光綺席  
笑憐從事落烏紗萸房暗綻紅珠朶茗碗寒供白露芽

詠碎

一作醉詠

龍山歸出號

一作去晚

馬奔流電妓奔車

立春後言懷招汴州李匡衡推

閒齋夜擊唾壺歌試望夷門奈遠何每聽塞笳離夢斷  
時窺清鑑旅愁多初驚宵漏丁丁促已覺春風習習和  
海內故人君最老花開鞭馬更相過

奉和僕射相公酬忠武李相公見寄之作

麗藻飛來自相庭五文相錯八音清初瞻綺色連霞色  
又聽金聲繼玉聲才出山西文與武歡從塞北弟兼兄  
白頭老尹三川上雙和陽春喜復驚

郡齋左偏栽竹百餘竿炎涼已周青翠不改而

為墻垣所蔽有乖愛賞假

一作暇

日命去齋居之

東墻由是俯臨軒階低映帷戶日夕相對頗有  
翛然之趣

齋居栽竹北窗邊素壁新開映

一作見

碧鮮青藹近當行

藥處綠陰深到臥帷前風驚曉葉如聞雨月過春枝似  
帶煙老子憶山心暫緩退公閒坐對嬋娟

省中直夜對雪寄李師素侍郎

密雪紛初降重城香未開雜花飛爛熳連蝶舞徘徊灑  
散千株葉銷凝九陌埃素華凝粉暑清氣繞霜臺明覺  
侵窗積寒知度塞來謝家爭擬絮越嶺悞驚梅暗魄微  
茫照嚴飈次第催一作堆稍封黃竹亞先集紫蘭摧孫室  
臨書幌梁園泛酒杯靜懷瓊樹倚醉憶玉山頽翠陌飢

烏噪蒼雲遠鴈哀此時方夜直想望意悠哉

南宮夜直宿見李給事封題其所下制敕知奏  
直在東省因以詩寄

番直同遙夜嚴局限幾重青編書白雀

其日敕鄜州奏  
白雀宜付史館

黃紙降蒼龍北極絲綸句東垣翰墨蹤尚垂玄露點猶  
濕紫泥封炫眼凝仙燭馳心裊禁鍾定應形夢寐暫似  
接音容玉樹春枝動金樽臘釀醲在朝君最舊休澣許  
過從

將赴洛下旅次漢南獻上相公二十兄言懷八

韻

台室名曾繼旌門節暫過歡情老去少苦事別離多便  
為開樽俎應憐出網羅百憂今已失一醉孰知他帝德  
千年日君恩萬里波許隨黃綺輩閒唱紫芝歌龍袞期  
重補梅羹佇再和嵩丘來攜手君子意如何

青雲干呂

郁郁復紛紛青霄干呂雲色令天下見候向管中分遠

覆無人境遙彰有道君瑞容驚不散冥感信稀聞湛露  
羞依草南風耻帶薰恭惟漢武帝餘烈尚氛氲

聖明樂

海浪恬月微邊塵靜異山從今萬里外不復鎖蕭關

春閨思

戴勝飛晴野凌澌下濁河春風樓上望誰見淚痕多

宮中樂五首

楚塞金陵靖

一作靜

巴山玉壘空萬方無一事端拱大明

宮

雪霽長楊苑冰開太液池宮中行樂日天下盛明時

柳色煙相似梨花雪不如春風真一作空

有意一一麗皇

居

月上宮花靜煙含苑樹深銀臺門已閉仙漏夜沉沉  
九重青瑣闥百尺碧雲樓明月秋風起珠簾上玉鉤

春遊曲

一作遊  
春詞

三首

曉遊臨碧殿日上望春亭芳樹羅仙仗晴山展翠屏



雞  
一夜好風吹新花一萬枝  
風前調玉管  
花下簇金羈

一作

閭闔春風起  
蓬萊雪水

一作水雪

消相將折楊柳  
爭取最長

條

遠別離二首

楊柳黃金穗  
梧桐碧玉枝  
春來消息斷  
早晚是歸期

一作

時

玳織鴛鴦履  
金裝翡翠簪  
畏人相問著  
不擬到城南

閨人贈遠

一作長相思

二首

君行登隴上妾夢在閨中玉筋千行落

一作淚

銀牀一半

空

綺席

一作幾度

春眠覺紗窗曉望迷朦朧殘夢裏猶自在遼

西

從軍詞五首

荒雞隔水啼汗馬逐風嘶終日隨征旆何時罷鼓鼙  
孤心眠夜雪滿眼是秋沙萬里猶防塞三年不見家

却望冰河闊前登雪嶺高  
征人幾多在又擬戰臨洮  
胡風千里驚漢月五更明  
縱有還家夢猶聞出塞聲  
暮雪連青海陰霞覆白山  
可憐班定遠生入玉門關

思君思

小苑鶯歌歇長門蝶舞多  
眼看春又去翠輦不經

一作  
曾

過

王昭君

錦車天外去毳幕雪中開  
魏闕蒼龍遠蕭關赤鴈哀

發潭州寄李寧常侍

君今侍紫垣我已墮青天委廢一作棄從茲日旋歸在幾

年心為西靡樹眼是北流泉更過長沙去江風滿驛船

李相薨後題斷金集一作裴夷直詩

一覽斷金集載悲埋玉人牙弦千古絕珠淚萬行新

年少行四首

少小邊州一作城慣放狂驍騎蕃馬射黃羊如今年老無

筋力猶一作獨倚營門數鴈行

家本清河住五城須憑弓箭得一作功名等閒飛鞚秋

原上獨向寒雲試射聲

弓背霞明劔照霜秋風走馬出咸陽未收天子河湟地  
不擬回頭望故鄉

霜一作雪滿中庭一作庭中月滿一作過樓金樽玉柱對清秋當

年稱意須行樂不到天明不一作未肯休

塞下曲二首

雪滿衣裳冰滿鬚曉隨飛將代單于平生意一作志氣今

何在把得家書淚似珠

邊草蕭條塞鴈飛  
征人南望淚

一作盡

沾衣黃塵滿面長

須戰白髮生頭未得歸

遊一作望春詞

高樓曉

一作喜

見一花開便覺春光四面來  
暖日晴雲知

次第東風不用更相催

漢苑行

一作望春  
詞第二首

雲霞五采浮天闕  
梅柳千般

一作枝

夾御溝不上黃花

一作

山南北

一作樂  
遊原上

望豈知春色滿神

一作  
皇州

中元日贈張尊師

偶來人世值中元不獻玄都永日閒寂寂焚香在仙觀  
知師遙禮玉京山

赴東都別牡丹

十年不見小庭花紫萼臨開又別家上馬出門回首望  
何時更得到京華

寄禮部劉郎中

一別三年在上京仙垣終日選羣英除書每下皆先看  
唯有劉郎無姓名

坐中間思帝鄉有感

年年不見帝鄉春  
白日尋思夜夢頻  
上酒忽聞吹此曲  
坐中惆悵更何人

春思寄夢得樂天

花滿中庭酒滿樽  
平明獨坐到黃昏  
春來詩思偏何處  
飛過函關入鼎門



皇城中花園譏劉白賞春不及

五鳳樓西花一園低枝小樹盡芳繁洛陽才子何曾愛  
下馬貪趨廣運門

相思河

誰把相思號此河塞垣車馬往來多只應自古征人淚  
灑向空洲作碧波

三月晦日會李員外座中頻以老大不醉見譏  
因有此贈

三月唯殘一日春  
玉山傾倒白鷗馴  
不辭便學山公醉  
花下無人作主人

賦山

白居易分司東洛朝賢悉會興  
化亭送別酒酣各請一字至七字詩以題為韻

山聳峻回環滄海上  
白雲間商老深尋謝公遠  
攀古巖泉滴滴幽谷鳥  
關關樹島西連隴塞  
猿聲南徹荆蠻世  
人只向簪裾老芳草  
空餘麋鹿閒

句

何日居三署終年尾百僚

見定命錄

移石幾迴敲廢印開

箱何處送新圖

見春明退朝錄

唯應四仲祭使者暫悲嗟

官人

斜

偶逢蒲家郎乃是葛仙客行常乘青竹飢即煮白

石腰間嫌大組心內保尺宅我願從之遊深卜鍊上液

見錦繡

萬花谷

御定全唐詩卷三百三十四

欽定四庫全書薈要卷一萬七千七百四十集部

御定全唐詩卷三百三十五

裴度

裴度字中立河東聞喜人貞元中擢第授河陰縣尉遷  
監察御史出為河南府功曹遷起居舍人憲宗元和六  
年以司封員外郎知制誥尋轉本司郎中使魏州還拜  
中書舍人改御史中丞尋兼刑部侍郎十六年拜門下  
侍郎同中書門下平章事于時討蔡度請身自督戰詔

以度充淮西宣慰招討處置使蔡平封晉國公復知政  
事為皇甫鎛所構出為太原尹北都留守河東節度使  
穆宗長慶元年河朔復亂詔度以本官充鎮州四面行  
營招討使元稹拜平章事罷度兵權充東都留守尋以  
守司徒同平章事復知政事李逢吉沮之出為山南西  
道節度使敬宗寶曆元年度入覲京師帝禮遇隆厚數  
日宣制復知政事文宗立加門下侍郎集賢殿大學士  
進階特進以病懇辭機務詔加守司徒兼侍中充山南

東道節度等使太和八年以本官判東都尚書省事充  
東都留守進位中書令尋復兼太原尹北都留守河東  
節度使度固辭不允至鎮病甚乞還東都養病詔許還  
京卒贈太傅度狀貌不踰中人而風彩俊爽占對雄辯  
出入中外經事四朝以身繫國之安危者二十年集二  
卷今編詩一卷

享惠昭太子廟樂章

亞獻  
終獻

重輪始發祥齒曹方興學冥然升紫府鏗爾薦清樂奠

聳致馨香在庭紛羽籥禮成神既醉髣髴縵山鶴

夏日對雨

登樓逃盛夏

一作暑

萬象正埃塵對面雷噴樹當街雨趁

人簷疎蛛網重地溼燕泥新吟罷清風起荷香滿四鄰

白二十二侍郎有雙鶴留在洛下予西園多野

水長松可以栖息遂以詩請之

聞君有雙鶴羈旅洛城東未放歸仙去

一作路

何如乞老

翁且將臨野水莫閉在樊籠好是長鳴處西園白露

一作



徑松  
中

竇七中丞見示初至夏口獻元戎詩輒戲和之

出佐青油幕來吟白雪篇須為九臯鶴莫上五湖船

竇詩

自稱鶴兼云治船裝故也

故態君應在新詩我亦便

聞鄂州初教成詔者甚工

元

侯看再入好被暫流連

酬張秘書因寄馬贈詩

滿城馳逐皆求馬古寺閒行獨與君代步本慙非逸足

緣情何幸枉高文若逢佳麗從

一作須

將換莫共駑駘角

出羣飛控著鞭能顧我當時王粲亦從軍

真慧寺

五祖道場

遍尋真蹟躡莓苔世事全拋不忍回上界不知何處去  
西天移向此間來巖前芍藥師親種嶺上青松佛手栽  
更有一般人不見白蓮花向半天開

中書即事

有意效承平無功答

一作益

聖明灰心緣忍事霜鬢為論

兵道直身還在恩深命轉輕鹽梅非擬議葵藿是平生

白日長懸照蒼蠅  
謾發聲高陽舊田里

一作地

終使謝歸

耕

中和節詔賜公卿尺

貞元八年宏詞

陽和行慶賜尺度及羣公

一作工

荷寵承佳節傾心立大

中短長思合製遠近貴攸同共仰財成德將酬分寸功  
作程施有政垂範播無窮願續南山壽千春奉聖躬

至日登樂遊園

陰律隨寒改陽和應節生祥雲觀魏闕瑞氣映秦城驗

炭論時政書雲受歲盈晷移長日至霧斂遠霄清景暖  
仙梅動風柔御柳傾那堪封得意空對物華情

一作清

奉酬中書相公至日圓丘攝事合於中書後閣

宿齋移止於集賢院叙懷見寄之作

翼亮登三命

趙公三拜中書侍郎平章事

謨猷本一心致齋移秘府

祇事見冲襟皓月當延閣祥風自禁林相庭方積玉王  
度已如金運偶唐虞盛情同丙魏深幽蘭與白雪何處

寄庸音

太原題廳壁

危事經非一浮榮得是空白頭官舍裏今日又春風

溪居

門徑俯清溪茅簷古木齊紅塵飄

一作飛

不到時有水禽

啼

喜遇劉二十八

以下三首本聯句中語洪邁取為絕句

病來佳興少老去舊遊稀笑語縱橫作盃觴絡繹飛

送劉

不歸丹掖去銅竹漫云云惟喜因過我須知未賀君

再送

頃來多謔浪此夕任喧紛故態猶應在行期未要聞

涼風亭睡覺

飽食緩行新睡覺一甌新茗侍兒煎脫巾斜倚繩床坐  
風送水聲來耳邊

雪中訝諸公不相訪

憶昨雨多泥又深猶能攜妓遠過尋滿空亂雪花相似

何事居然無賞心

傍水閒行

閒餘何處覺身輕  
暫脫朝衣傍水行  
鷗鳥亦知人意靜  
故來相近不相驚

句

兩人同日事征西  
今日君先奉紫泥

度與柳公綽同為西蜀武元衡判官

綽先入為吏部郎

中度有詩云云

待平賊壘報天子  
莫指仙山示武

夫征淮西過女

几山下題

野人不識中書令  
喚作陶家與謝家

題南  
莊

君若有心求逸足  
我還留意在名姝

答白居易  
易求馬

卷三百三十五

御定全唐詩卷三百三十五



欽定四庫全書薈要卷一萬七千七百四十一

集部

御定全唐詩卷三百三十六

韓愈

韓愈字退之南陽人少孤刻苦為學盡通六經百家貞元八年擢進士第才高又好直言累被黜貶初為監察御史上疏極論時事貶陽山令元和中再為博士改比部郎中史館脩撰轉考功知制誥進中書舍人又改庶子裴度討淮西請為行軍司馬以功遷刑部侍郎諫迎

佛骨謫刺史潮州移袁州穆宗即位召拜國子祭酒兵部侍郎使王廷湊歸轉吏部為時宰所構罷為兵部侍郎尋復吏部卒贈禮部尚書諡曰文愈自比孟軻闢佛老異端篤舊邱孤好誘進後學以之成名者甚衆文自魏晉來拘偶對體日衰至愈一返之古而為詩豪放不避麤險格之變亦自愈始焉集四十卷內詩十卷外集遺文十卷內詩十八篇今合編為十卷

元和聖德詩

并序  
稱留後

初憲宗即位劍南劉闢自  
元和元年正月以高

崇文為左神策行營節度使討闢九月克成都  
十月闢伏誅二年正月己丑朝獻於大清宮庚  
寅朝享於太廟辛卯祀昊天  
上帝於郊丘還宮大赦天下

臣愈頓首再拜言臣伏見皇帝陛下即位已來誅  
流姦臣朝廷清明無有欺蔽外斬楊惠琳劉闢以  
收夏蜀東定青齊積年之叛海內怖駭不敢違越  
郊天告廟神靈歡喜風雨晦明無不從順太平之  
期適當今日臣蒙被恩澤日與羣臣序立紫宸殿  
陛下親望穆穆之光而其職業又在以經籍教導

國子誠宜率先作歌詩以稱道盛德不可以辭語  
淺薄不足以自效為解輒依古作四言元和聖德  
詩一篇凡千有二十四字指事實錄具載明天子  
文武神聖以警動百姓耳目傳示無極其詩曰

皇帝即昨物無違拒曰暘而暘曰雨而雨維是元年有

盜在夏欲覆其州以踵近一作武先年德宗建中間李  
希烈朱泚等反至是

楊惠琳劉闢繼踵而起此叙惠琳據夏皇帝曰嘻豈不  
州出師征討有功以為平劉闢發端

在我負鄙為艱縱則不可出師征之其眾十一作千旅時  
嚴

綬在河東表請討惠琳  
詔與天德軍合擊之

軍其城下告以福禍腹敗枝披

不敢保聚擲首陣外降藩夜監疆外之險莫過蜀土韋

臯去鎮劉闢守後血人於牙不肯吐口開庫啗

宋刻士  
作啖

曰隨所取汝張汝弓汝鼓汝鼓汝為表書求我帥汝事

始上聞在列咸怒皇帝曰然嗟遠士女苟附而安則且

付與讀命於庭出節少府朝發京師夕至其部闢喜謂

黨汝振而伍蜀可全有此不當受萬牛鬻炙

一作  
萬甕

行酒以錦纏股以紅帕首有恇其兇有餌其誘其出穰

穰隊以萬數遂劫東川遂據城阻皇帝曰嗟其又可許爰命崇文分卒禁禦有安其驅無暴我野日行三十徐壁其右關黨聚謀鹿頭是守崇文奉詔進退規矩戰不貪殺擒不濫數四方節度整兵頓馬上章請討俟命起坐

皇帝曰嘻無汝煩苦荆并洎梁

荆謂荆南節度使裴均并謂河東節度使嚴綬

梁謂山南西道節度使嚴彌

在國門戶出師三千各選爾醜四軍齊

作殷其如阜或拔其角或脫其距長驅洋洋無有齟齬八月壬午闕棄城走載妻與妾包裹稚乳是日崇文入

處其宇分散逐捕搜原剔藪闕窮見窘無地自處俯視  
大江不見洲渚遂自顛倒若杵投臼取之江中枷脰械  
手婦女累累啼哭拜叩來獻闕下以告廟社周示城市  
咸使觀覩解脫繫索夾以砧斧婉婉弱子赤立傴僂牽  
頭曳足先斷腰脅次及其徒體骸撐拄末乃取闕駭汗  
如寫揮刀紛紜爭剗音付細切也膾脯優賞將吏扶珪綴組  
帛堆其家粟塞其庾哀憐陣沒廩給孤寡贈官封墓周  
帑宏溥經戰伐地寬免租簿施令酬功急疾如火天地

中間莫不順序幽恒青魏東盡海浦南至徐蔡區外雜  
虜怛威赧德踧踏蹈舞掉棄兵革私習盪盪來請來覲  
十百其耦一作數皇帝曰吁伯父叔舅各安爾位訓厥眊

晦正月元日初見宗祖躬執百禮登降拜俯薦於新宮

視瞻梁栒音呂感見容色淚落入俎侍祠之臣助我惻

楚乃以上辛於郊用牡除於國南鱗筍毛簏廬幕周施

開揭磊砢獸盾騰拏圓壇帖妥天兵四羅旂常婀娜駕

龍十二魚魚雅雅宵昇於丘奠璧獻尊衆樂驚作南輶逐



融冶紫焰噓呵高靈下墮羣星從坐錯落侈哆

丁可切  
又昌者

切

日君月妃煥赫嫗姬

嫗鳥果切姬五果切  
身弱好也謂月妃

瀆鬼濛鴻

嶽祇業我飶沃羶薌產祥降嘏鳳皇應奏舒翼自拊赤

麟黃龍透陀結糾卿士庶人黃童白叟踴躍歡呀失喜

噎歐乾清坤夷境落褰舉帝車回來日正當午幸丹鳳門

大赦天下滌濯剗磳

初兩切又此兩切  
瓦石洗物

磨滅瑕垢續功臣

嗣拔賢任耆孩養無告仁滂施厚皇帝神聖通達今古

聽聰視明一似堯禹生知法式動得理所天錫皇帝為天

下主并包畜養無異細鉅億載萬年敢有違者皇帝儉

勤盥濯陶瓦斤遣浮華好此綈紵勅戒四方侈則有咎

天錫皇帝多麥與黍無召水旱耗於一作無耗雀鼠億載萬

年有富無窶皇帝正直別白善否擅命而狂既翦既去

盡逐羣姦靡有遺侶天錫皇帝厖臣碩輔博問遐觀以

置左右億載萬年無敢侮皇帝大孝慈祥悌友怡怡

愉愉奉太皇后決於族親濡及九有天錫皇帝與天齊

壽登茲太平無怠永久億載萬年為父為母博士臣愈

職是訓詁作為歌詩以配吉甫

琴操十首

將歸操

孔子之趙聞殺鳴犢作

趙殺鳴犢孔子臨河歎而作歌曰秋之水兮風揚波

舟楫顛倒更相加歸來歸來胡為斯

秋之水兮其色幽幽我將濟兮不得其由涉其淺兮石  
齧我足乘其深兮龍入我舟我濟而悔兮將安歸尤歸  
兮歸兮無與石鬪兮無應龍求

猗蘭操

孔子傷不逢時作

古琴操云習習谷風以陰以雨之子于歸遠送于野何彼蒼天

不得其所逍遙九州無有定處世人聞蔽不知賢者年紀逝邁一身將老

蘭之猗猗揚揚其香不採而佩於蘭何傷今天之旋其  
曷為然我行四方以日以年雪霜貿貿音茂薺麥之茂子  
如不傷我不爾覲薺麥之茂薺麥之有君子之傷君子  
之守

龜山操

孔子以季桓子受齊女樂諫不從望龜山而作山

在太山博縣古琴操云予欲望魯  
兮龜山蔽之手無斧柯奈龜山何

龜之氛

一作氣

兮不能雲

一作為

雨龜之枿

牙葛切  
亦作葉

兮不中

梁柱龜之大兮祇以奄魯知將隳兮哀莫余伍周公有

鬼一作思

兮嗟余歸輔

### 越裳操

周公作

古琴操云於戲嗟嗟非  
旦之力乃文王之德

雨之施物以孳我何意於彼為自周之先其艱其勤以

有疆宇私我後人我祖在上四方在下厥臨孔威敢戲  
以侮孰荒於門孰治於田四海既均越裳是臣

拘幽操

文王羨里作

古琴操云殷道溷溷浸濁煩兮朱紫相合不別分兮迷亂聲色信讒言兮

炎炎之虐使我愆兮幽閉牢窞由其言兮遘我四人憂勤勤兮

目窈窈

一作  
一作

兮其凝其盲耳肅肅兮聽不聞聲朝不

有

見日出兮夜不見月與星有知無知兮為死為生嗚呼

臣罪當誅兮天王聖明

岐山操

周公為太王作

本詞云狄戎侵兮土地遷移邦邑適於岐山烝民不憂兮誰者知嗟

嗟奈何兮

予命遭斯

我家於豳自我先公伊我承序敢有不同今狄之人將  
土我疆民為我戰誰使死傷彼岐有岨我往獨處爾作  
人莫余追無思我悲

履霜操

尹吉甫子伯竒無罪為後母譖而見逐自傷作  
詞

云朝履霜兮採晨寒考不明其心兮信讒言孤思  
別離兮推肺肝何辜皇天兮遭斯愆痛歿不同兮  
思有偏誰能流  
顧兮知我冤

父兮兒寒母兮兒飢兒罪當答逐兒何為兒在中野以  
宿以處四無人聲誰與兒語兒寒何衣兒飢何食兒行  
於野履霜以足母生衆兒有母憐之獨無母憐兒寧不  
悲

雉朝飛操

牧犢

一作沐犢

子七十無妻見雉雙飛感之而作

本詞云雉



朝飛兮鳴相和雌雄羣遊兮山之阿我獨何命  
兮未有家時將暮兮可奈何嗟嗟暮兮可奈何

雉之飛於朝日羣雌孤雄意氣橫出當東而西當啄而  
飛隨飛隨啄羣雌粥粥嗟我雖人曾不如彼雉雞生身

七十年無一妾與妃

一本無雞字下語  
妃音媿與雉叶

### 別鵠操

商陵穆子娶妻五年無子父母欲其改娶其妻聞  
之中夜悲嘯穆子感之而作

本詞云將垂比翼隔  
天端山川悠遠路漫

漫攬衾不  
寐食忘殮

雄鵠

樂府詩集作雄鶴以下鵠俱作鶴

銜枝來雌鵠啄泥歸巢成不生

子大義當乖離江漢水之大鵠身鳥之微更無相逢日且

可繞樹相隨飛

樂府作更無相逢日安可相隨飛

殘形操

曾子夢見一狸不見其首作

有獸維狸兮我夢得之其身孔明兮而頭不知吉凶何為兮覺坐而思巫咸上天兮識者其誰

南山詩

吾聞京城南茲惟羣山圍東西兩際海巨細難悉究山  
經及地志茫昧非受授團辭試提挈挂一念萬漏欲休  
諒不能粗叙所經覲嘗昇崇丘望戢戢見相湊晴明出

稜角縷脈碎分繡蒸嵐相瀕

胡孔切

洞表裏忽通透無風

自飄簸融液煦柔茂橫雲時平凝點點露數岫天空浮

脩眉濃綠畫新就孤撐有嶮絕海浴褰鵬喙

音畫以上叙南山大

槩春陽潛沮洳濯濯吐深秀巖巒雖律萃輒弱類含耐

宙音夏炎百木盛蔭鬱增埋覆神靈日歆

音

虧雲氣爭結

構秋霜喜刻轆磔卓立癯瘦參差相疊重剛耿陵

一作凌

宇宙冬行雖幽墨冰雪工琢鏤新曦照危峨億丈恒高

衰明昏無停態頃刻異狀候

已上叙四時變態

西南雄太白突

起莫間筵藩都配德運分宅占丁戊

音茂逍遙越坤位詆

訐陷乾竇空虛寒兢兢風氣較搜漱朱維方燒日陰霰

縱騰糅昆明大池北去覲偶晴晝絲聯窮俯視倒側困

清漚微瀾動水面踴躍躁獠狄驚呼惜破碎仰喜呀不

仆

已上言南山方隅連亘之所

前尋徑杜墅岔蔽畢原陋崎嶇上軒

昂始得觀覽富行行將遂窮嶺陸煩互走勃然思坼裂

擁掩難恕宥巨靈與夸蛾遠賈期必售還疑造物意固

護蓄精祐力雖能排幹雷電怯呵詬攀緣脫手足蹭蹬

抵積甃茫如試矯首埒塞生恟音寇愁音茂威容喪蕭爽近

新迷遠舊拘官計日月欲進不可又因緣窺其湫南山有炭

谷湫凝湛閔陰罟音喚或作獸禮運龍以為罟謂湫中蛟也魚蝦可俯掇神物

安敢寇林柯有脫葉欲隨鳶驚救其湫葉落恐汚水鳥即銜去蓋其神物之

靈如此爭銜彎環飛投棄急哺殼旋歸道回睨達枿壯復

奏吁嗟信竒怪時質能化質前年遭謫謫探歷得邂逅

初從藍田入顧盼勞頸脰時天晦大雪淚目苦矇眊

音茂

峻塗拖長冰直上若懸溜褰衣步推馬顛蹶退且復蒼

黃忘遐晷所矚纒左右杉篁咤蒲蘇杲耀攢介冑專心

憶平道脫險逾避臭昨來逢清霽宿願忻始副崢嶸躋

冢頂倏閃雜鼉鼉前低劃開濶爛漫堆衆皴

言豁然見前山之低

雖有高陵深谷但如皴物微有蹙折之文耳

或連若相從或蹙若相關或妥

若弭伏或竦若驚雉或散若瓦解或赴若輻湊或翩若

船遊或決若馬驟或背若相惡或向若相佑或亂若抽

筍或嶮若注

一作注

灸或錯若繪畫或繚若篆籀或羅若

星離或翁若雲逗或浮若波濤或碎若鋤耨或如賁育

倫

素勇士

賭勝勇前購先強勢已出後鈍嗔誼

音譎

音耨不能

言也或如帝王尊叢集朝賤幼雖親不褻狎雖遠不悖謬

或如臨食案肴核紛飭餽又如遊九原墳墓包槨柩或

纍若盆甌或揭若甌

同登

一作桓

或覆若曝鼈或頽若寢

獸或蜿若藏龍或翼若搏鷲或齊若友朋或隨若先後

或迸若流落或顧若宿留或戾若仇讐或密若婚媾或

儼若峨冠或翻若舞袖或屹若戰陣或圍若蒐狩或靡

然東注或偃然北首或如火熇焰或若氣饋

音溜  
分餽  
蒸飯

也或行而不輟或遺而不收或斜而不倚或弛而不鼓

或赤若禿鬚

丘關切

或燠若柴樵或如龜拆兆或若卦分

絲或前橫若剝或後斷若妬延離又屬夬夬叛還溝

喁喁魚闖萍落落月經宿閭閭樹墻垣巘巘駕庫廡參

參削劍戟煥煥銜瑩琇敷敷花披萼闌闌屋摧雷悠悠



舒而安兀兀狂以狃超超出猶奔蠢蠢駭不懋大哉立  
天地經紀肖營媵厥初孰開張僂俛誰勸侑創茲樸而  
巧戮力忍勞疾得非施斧斤無乃假詛咒鴻荒竟無傳  
功大莫酬儻嘗聞於祠官芬苾降歆嗅宋刻斐然作歌  
詩惟用贊報酌

謝自然詩

果州謝真人上昇在金泉山貞元十年十一月十二日白晝輕舉郡守李

堅以聞有

詔褒諭

果州南充縣寒女謝自然童駭無所識但聞有神僂輕

生學其術乃在金泉山繁華榮慕絕父母慈愛捐凝心  
感魑魅恍惚難具言一朝坐空室雲霧生其間如聆笙  
竽韻來自冥冥天白日變幽晦蕭蕭風景寒簷楹一作

氣明滅五色光屬聯觀者徒傾駭躑躅詎敢前須臾自  
輕舉飄若風中煙茫茫八紘大影響無由緣里胥上其  
事郡守驚且歎驅車領官吏眊俗爭相先入門無所見  
冠履同蛻蟬皆云神僊事灼灼信可傳余聞古夏后象  
物知神姦山林民可入魍魎莫逢旃逶迤不復振後世

恣欺謾幽明紛雜亂人鬼更相殘秦皇雖篤好漢武洪  
其源自從二主來此禍竟連連木石生怪變狐狸騁妖  
患莫能盡性命安得更長延人生處萬類知識最為賢  
奈何不自信反欲從物遷徃者不可悔孤魂抱深冤來  
者猶可誠余言豈空文人生有常理男女各有倫寒衣  
及飢食在紡績耕耘下以保子孫上以奉君親苟異於  
此道皆為棄其身噫乎彼寒女永託異物羣感傷遂成  
詩昧者宜書紳

秋懷詩十一首

窗前兩好樹衆葉光蕤蕤

音擬

秋風一拂披策策鳴不已

微燈照空牀夜半偏入耳  
愁憂無端來感歎成坐起  
天明視顏色與故不相似  
羲和驅日月疾急不可恃  
浮生雖多塗趨死惟一軌  
胡為浪自苦得酒且歡喜

白露下百草蕭蘭共雕悴  
青青四墻下已復生滿地寒  
蟬暫寂寞蟋蟀鳴自恣  
運行無窮期稟受氣苦異適  
時各得所松栢不必貴

彼時何卒卒我志何曼曼音萬犀首空好飲廉頗尚能飯

學堂日無事驅馬適所願茫茫出門路欲去聊自勸一作

歎歸還閱書史文字浩千萬陳跡竟誰尋賤嗜非貴獻

丈夫意有在一作存女子乃多怨

秋氣日惻惻秋空日凌凌上無枝上蛭下無盤中蠅豈  
不感時節耳目去所憎清曉卷書坐南山見高稜其下  
澄湫水有蛟寒可習惜哉不得往豈謂吾無能

離離挂空悲感感抱虛警露泣秋樹高蟲吊寒夜永歛

退就新懦趨營悼前猛歸愚識夷塗汲古得脩綆名浮  
猶有耻味薄真自幸庶幾遺悔尤即此是幽屏

今晨不成起端坐盡日景蟲鳴室幽幽月吐窗罔罔喪  
懷若迷方浮念劇含梗塵埃瀟伺候文字浪馳騁尚須  
勉其頑王事有朝請

秋夜不可晨秋日苦易暗我無汲汲志何以有此憾寒  
雞空在棲缺月煩屢瞰有琴具徽絃再鼓聽愈淡古聲  
久埋滅無由見真濫低心逐時趨苦勉祇能暫有如乘

風船一縱不可纜不如觀文字丹鉛事點勘豈必求羸

餘所要石與甌

都濫切

卷卷落地葉隨風走前軒鳴聲若有意顛倒相追奔空  
堂黃昏暮我坐默不言童子自外至吹燈當我前問我  
我不應饋我我不餐退坐西壁下讀詩盡數編作者非  
今士相去時已干其言有感觸使我復悽酸顧謂汝童  
子置書且安眠丈夫屬有念事業無窮年

霜風侵梧桐衆葉著樹乾空堦一片下瑋若摧琅玕謂

是夜氣滅望舒實其團青冥無依倚飛轍危難安驚起  
出戶視倚楹久汎瀾憂愁費晷景日月如跳丸迷復不  
計遠為君駐塵鞍

暮暗來客去羣囂各收聲悠悠偃宵寂疊疊抱秋明世  
累忽進慮外憂遂侵誠強懷張不滿弱念缺已盈詰屈  
避語穿冥茫觸心兵敗虞千金棄得比寸草榮知耻足  
為勇晏然誰汝令

鮮鮮霜中菊既晚何用好揚揚弄芳蝶爾生還不早運



窮兩值遇婉孌死相保西風螫龍蛇衆木日凋槁由來  
命分爾泯滅豈足道

赴江陵途中寄贈王二十補闕李十一拾遺李

二十六員外翰林三學士

德宗貞元二十年移江陵法曹叅軍未幾

以四門博士召三學士王涯李建李程也

孤臣昔放逐血泣追愆尤汗漫不省識恍如乘桴浮或  
自疑上䟽上䟽豈其由是年京師旱田畝少所收上憐  
民無食征賦半已休有司恤經費未免煩徵求富者既

云急貧者固已流傳聞閭里間赤子棄渠溝持男易斗粟掉臂莫肯酬我時出衢路餓者何其稠親逢道邊死佇立久咿嘵歸舍不能食有如魚中鈎適會除御史誠當得言秋拜疏移閣門為忠寧自謀上陳人疾苦無令絕其喉下陳畿甸內根本理宜優積雪驗豐熟幸寬待蠶麤天子惻然感司空歎綢繆謂言即施設乃反遷炎州舊史言公自監察御史上章數千言極論宮市德宗怒貶陽山令新史亦云上疏論宮市今詩自序其得罪之由大抵言京師旱饑未嘗力言宮市惟皇甫湜神道碑云關中旱饑先生力言天下根本專政者惡之出

為陽山令。湜當時從公遊者。同官盡才俊。偏善柳與劉。知公之不以論宮市出審矣。

或慮語言洩傳之。落寬讐。二子不宜爾。將疑斷還不中。

使臨門遣頃刻。不得留病妹。臥牀褥。分知隔明幽。悲啼

乞就別。百請不領頭。弱妻抱稚子。出拜忘慚羞。僂不

回顧行行詣。連州朝為青雲士。暮作白頭一作首囚。商山

季冬月。冰凍絕行。轉春風。洞庭浪出沒。驚孤舟。逾嶺到

所任。低顏奉君侯。酸寒何足道。隨事生瘡疣。遠地觸途

異吏民。似援猴生獰。多忿很辭舌。紛嘲啁。白日屋簷下

雙鳴鬪鵠鷓有蛇類兩首有蠱羣飛遊窮冬或搖扇盛  
夏或重裘颯起最可畏訇哮簸陵丘雷霆助光怪氣象  
難比侷癘疫忽潛遘十家無一瘳猜嫌動置毒對案輒

懷愁前日遇恩赦

貞元二十一年正月乙巳順宗即位  
二月甲子大赦天下愈量移江陵掾

私心喜還憂果然又羈繫不得歸耜耨此府雄且大騰  
凌盡戈矛棲棲法曹掾何處事卑陬生平企仁義所學  
皆孔周早知大理官不列三后儔何況親犴音岸獄敲榜  
發姦偷懸知失事勢恐自懼置罟湘水清且急涼風日

脩脩胡為首歸路旅泊尚夷猶昨者京使至嗣皇傳冤

旒赫然下明詔首罪誅共歎

古兜字

復聞顛天輩

謂杜黃裳鄭餘

慶之徒為相

峨冠進鴻疇班行再肅穆璜珮鳴琅璆佇繼貞

觀烈邊封脫兜鍪三賢推侍從卓犖傾枚鄒高議參造

化清文煥皇猷協

一作叶

心輔齊聖致理同毛輜小雅詠

鹿鳴

一作鳴鹿

食苹貴呦呦遺風邈不嗣豈憶嘗同稠失志

早哀換前期擬蜉蝣自從齒牙缺始慕舌為柔因疾鼻

又塞漸能等薰蕕深思罷官去畢命依松楸空懷焉能

果但見歲已道殷湯閔禽獸解網祝蛛蝥雷煥掘寶劍  
冤氛消斗牛茲道誠可尚誰能借前籌殷勤答吾友明  
月非暗投

暮行河堤上

暮行河堤上四顧不見人哀草際黃雲感歎愁我神夜  
歸孤舟臥展轉空及晨謀計竟何就嗟嗟世與身

夜歌

靜夜有清光閒堂仍獨息念身幸無恨志氣方自得樂

哉何所憂所憂非我力

重雲李觀疾贈之

天行失其度陰氣來干陽重雲閉白日炎燠成寒涼小  
人但咨怨君子惟憂傷飲食為減少身體豈寧康此志  
誠足貴懼非職所當藜羹尚如此肉食安可嘗窮冬百  
草死幽桂乃芬芳且况天地間大運自有常勸君善飲  
食鸞鳳本高翔

江漢答孟郊

江漢雖云廣乘舟渡無艱流沙信難行馬足常往還淒  
風結衝波狐裘能禦寒終宵處幽室華燭光爛爛苟能  
行忠信可以居夷蠻嗟余與夫子此義每所敦何為復  
見贈繾綣在不諼

長安交遊者贈孟郊

長安交遊者貧富各有徒親朋

一作友

相過

一作遇

時亦各

有以娛陋室有文史高門有笙竽何能辨榮悴且欲分

賢愚



岐山下二首

朱喜考異曰諸本只作一首方云  
自日暮邊火驚以上為一篇世有

灌畦暇語一書謂子齊初應舉韓公賞之為作  
丹穴五色羽子齊姓程字昔範嘗著中暮三卷  
見因話錄則下詩似當為別篇第前  
詩題以岐山下此必遊鳳翔日作

誰謂我有耳不聞鳳皇鳴  
竭來岐山下日暮邊鴻

一作驚

丹穴五色羽其名為鳳皇  
昔周有盛德此鳥鳴高岡  
和聲隨祥風窈窕相飄揚  
聞者亦何事但知時俗康  
自從公旦死千載閱其光  
吾君亦勤理遲爾一來翔


御定全唐詩卷三百三十六

謹案卷三百三十五第五頁前五行時有水禽啼  
刊本啼訛題據別本改

卷三百三十六第二頁前五行東定青齊積年之  
叛昌黎集齊作徐按唐書貞元十六年徐帥張  
建封卒軍士為變殺留後建封子愔自稱知軍  
事至元和初乃定此徐積年之叛也似應從集  
作徐

第六頁前四行秋之水兮風揚波按昌黎集秋作

狄



總校官庶吉士臣張能照

校對官中書臣張頊

謄錄舉人臣汪志伊

欽定四庫全書薈要

集部

御定全唐詩卷三百三十九

七至

詳校官候補通政司經歷臣郭祚熾


欽定四庫全書薈要卷一萬七千七百四十二

集部

御定全唐詩卷三百三十七

韓愈

北極贈李觀

  
有羈羽南溟有沈鱗川源浩浩隔影響兩無因風

雲一朝會變化成一身誰言道里遠感激疾如神我年

二十五求友昧其人哀歌西京市乃與夫子親所尚

一作

苟同趨賢愚豈異倫方為金石姿萬世無緇磷無為

兒女態憔悴悲賤貧

此日足可惜贈張籍

愈時在徐籍往謁之  
辭去作是詩以送

此日足可惜此酒不足一作嘗捨酒去相語共分一日

光念昔未知子孟君自南方自矜有所得言子有文章

我名屬相府時佐董晉幕府欲往不得行思之不可見百端在

中腸維時月魄死冬日朝在房驅馳公事退聞子適及

城命車載之至引坐於中堂開懷聽其說往往副所望

孔丘歿已遠仁義路久荒紛紛百家起詭怪相披猖長



老守所聞後生習為常少知誠難得純粹古已亡譬彼  
植園木有根易為長留之不遣去館置城西旁歲時未  
云幾浩浩觀湖江衆夫指之笑謂我知不明兒童畏雷  
電魚鼈驚夜光州家舉進士選試繆所當

汴州舉進士  
愈為考官試

反舌無聲  
詩籍中等

馳辭對我策章句何煒煌相公朝服立工席

歌鹿鳴禮終樂亦闋相拜送於庭之子去須臾赫赫流  
盛名竊喜復竊歎諒知有所成人事安可恒奄忽令我  
傷聞子高第日正從相公喪

貞元十五年高郢知舉籍  
登第是歲二月晉卒愈護

其喪 行 哀情逢吉語 恟怛難為雙 暮宿偃師西 徒展轉在

牀 諸本作展 轉在空牀 夜聞汴州亂 遶壁行 徬徨我時留 妻子倉

卒不及將相見 不復期 零落甘所丁 驕兒未絕乳 念之不能忘 忽如在我所 耳若聞啼聲 中途安得返 一日不可

更俄有東來說 我家免罹殃 乘船下汴水 東去趨彭城 從喪朝至洛 還走不及停 假道經盟津 出入行澗岡 日

西入軍門羸馬顛 且僵主人願 少留延入陳 壺觴 時李元為

河陽節度主人謂元也 主 卑賤不敢辭 忽忽心如狂 飲食豈知味 絲

竹徒轟轟平明脫身去決若驚鳧翔黃昏次汜水欲過

無舟航號呼久乃至夜濟十里黃

外黃縣有黃溝

中流上灘

一作

沙渾沙水不可詳驚波暗合杳星宿爭翻芒轅馬躑躅

鳴左右泣僕童甲午憇時門臨泉窺鬪龍東南出陳許

陂澤平

一作何

茫茫道邊草木花紅紫相低昂百里不逢

人角角雄雉鳴行行二月暮乃及徐南疆下馬步堤岸

上船拜吾兄

愈有三兄皆早世見於集中者雲卿之子俞紳卿之子岌皆愈從兄或曰吾兄謂張

籍非也

誰云經艱難百口無天殤僕射南陽公

張建封

宅我

睢水陽

二月愈至徐徐泗濠節度使張建封以愈為節度推官

篋中有餘衣盎中

有餘糧閉門讀書史窗戶忽已涼日念子來遊子豈知  
我情別離未為久辛苦多所經對食每不飽共言無倦  
聽連延三十日晨坐達五更我友二三子宦遊在西京  
東野窺禹穴李翱觀濤江蕭條千萬里會合安可逢淮  
之水舒舒楚山直叢叢子又捨我去我懷焉所窮男兒  
不再壯百歲如風狂高爵尚可求無為守一鄉

幽懷

幽懷不能寫行此春江潯適與佳節會士女競光陰凝  
妝耀洲渚繁吹蕩人心間闕林中鳥亦知和為音豈無  
一尊酒自酌還自吟但悲時易失四序迭相侵我歌君  
子行視古猶視今

君子法天運

君子法天運四時可前知小人惟所遇寒暑不可期利  
害有常勢取捨無定姿焉能使我心皎皎遠憂疑

落葉送陳羽

落葉不更息斷蓬無復歸飄飄終自異邂逅暫相依  
悄深夜語悠悠寒月輝誰云少年別流淚各沾衣

歸彭城

貞元十五年冬愈為徐州從事朝正京師此曰歸彭城蓋明年自京師歸徐也

天下兵又動

貞元十五年秋起諸道兵討吳少誠

太平竟何時訐謨者誰

子無乃失所宜前年關中旱閭井多死飢

貞元十四年冬京師饑

去歲東郡水

貞元十五年秋鄭滑大水

生民為流屍上天不虛應禍

福各有隨我欲進短策無由至彤墀剗肝以為紙瀝血

以書辭上言陳堯舜下言引龍夔言詞多感激文字少

歲筵一讀已自怪再尋良自疑食芹雖云美獻御固已  
癡緘封在骨髓耿耿空自竒昨者到京城屢陪高車馳  
周行多俊異議論無瑕疵見待頗異禮未能去毛皮到  
口不敢吐徐徐俟其巖歸來戎馬間驚顧似羈雌連日  
或不語終朝見相欺乘閒輒騎馬茫茫詣空陂遇酒即  
酩酊君知我為誰

醉後

煌煌東方星奈此衆客醉初喧或忿爭中靜雜嘲戲淋

滴身上衣顛倒筆下字人生如此少酒賤且勤置

醉贈張秘書

人皆勸我酒我若耳不聞今日到君家呼酒持勸君為  
此座上客及余各能文君詩多態度藹藹春空雲東野  
動驚俗天葩吐竒芬張籍學古淡軒鶴避雞羣阿買不  
識字頗知書八分詩成使之寫亦足張吾軍所以欲得  
酒為文俟其醺酒味既冷冽酒氣又氤氳性情漸浩浩  
諧笑方云云此誠得酒意餘外徒繽紛長安衆富兒盤



饌羅羶葷不解文字飲惟能醉紅裙雖得一飽樂有如  
聚飛蚊今我及數子固無藉與薰險語破鬼膽高詞媿  
皇墳至寶不雕琢神功謝鋤耘方今向太平元凱承華  
勛吾徒幸無事庶以窮朝暉

同冠峽

貞元十九年  
貶陽山後作

南方二月半春物亦已少維舟山水間晨坐聽百鳥宿  
雲尚含姿朝日忽升曉羈旅感和鳴囚拘念輕矯潺湲  
淚久迸詰曲思增繞行矣且無然蓋棺事乃了

送惠師

愈在連州與釋景常元  
惠遊惠師即元惠也

惠師浮屠者乃是不羈人十五愛山水超然謝朋親脫  
冠翦頭髮飛步遺蹤塵發跡入四明梯空上秋旻遂登  
天台望衆壑皆嶙峋夜宿最高頂舉頭看星辰光芒相  
照燭南北爭羅陳茲地絕翔走自然巖且神微風吹木  
石澎湃聞韶鈞夜半起下視溟波銜日輪魚龍驚踊躍  
叫嘯成悲辛怪氣或紫赤鼓磨共輪囷金鷄既騰翥六  
合俄清新常聞禹穴竒東去窺甌閩越俗不好古流傳

失其真幽蹤邈難得聖路

舜禹南  
巡之路

嗟長堙回臨浙江濤

屹起高峨岷壯志死不息千年如隔晨是非竟何有棄  
去非吾倫凌江詣廬嶽浩蕩極遊巡崔宰沒雲表陂陀  
浸湖淪是時雨初霽懸瀑垂天紳前年往羅浮步夏南  
海濬大哉陽德盛榮茂恒留春鵬騫墮長翮鯨戲側脩  
鱗自來連州寺曾未造城闈日攜青雲客探勝窮崖濱  
太守邀不去羣官請徒頻囊無一金資翻謂富者貧昨  
日忽不見我令訪其隣奔波自追及把手問所因顧我

却興歎君寧異於民離合自古然辭別安足珍吾聞九  
疑好夙志今欲伸斑竹啼舜婦清湘沈楚臣衡山與洞  
庭此固道所循尋崧方抵洛歷華遂之秦浮游靡定處  
偶往即通津吾言子當去子道非吾遵江魚不池活野  
鳥難籠馴吾非西方教憐子狂且醇吾嫉情遊者憐子  
愚且諄去矣各異趣何為浪露巾

送靈師

佛法入中國爾來六百年齊民逃賦役高士著幽禪官

吏不之制紛紛聽其然耕桑日失隸朝署時遺賢靈師  
皇甫姓脣胄本蟬聯少小涉書史早能綴文篇中間不  
得意失跡成延遷逸志不拘教軒騰斷牽孿圍碁鬪白  
黑生死隨機權六博在一擲臬盧叱回旋戰詩誰與敵  
浩汗橫戈鋌音延飲酒盡百觥嘲諧思逾鮮有時醉花月  
高唱清且絲四座咸寂默杳如奏湘弦尋勝不憚險黔  
江屢洄沿瞿塘五六月驚電讓歸船怒水忽中裂千尋  
墮幽泉環回勢益急仰見團團天投身豈得計性命甘

徒捐浪沫蹙翻涌漂浮再生全同行二十人魂骨俱坑

填靈師不挂懷冒涉道轉延開忠二州牧詩賦時多傳

失職不把筆珠璣為君編強留費日月密席羅嬋娟昨

者至林邑使君數開筵逐客三四公盈懷贈蘭荃湖游

泛漭沆溪宴駐潺湲別語不許出行裾動遭牽隣州競

招請書札何翩翩十月下桂嶺乘寒恣窺緣落落王員

外王員外仲舒也墓志云所為文章無世俗氣爭迎獲其先自從入賓館占

恠久能專吾徒頗攜被接宿窮歡妍聽說兩京事分明

皆眼前縱橫雜謠俗瑣屑咸羅穿材調真可惜朱丹在

磨研方將斂之道且欲冠其顛韶陽李太守高步凌雲

烟得客輒忘食開囊乞繒錢手持南曹叙唐制吏部員外郎一人掌

判南曹謂王員外仲舒也時亦謫連州司戶字重青瑤鑄古氣參彖繫高標

摧太玄維舟事干謁披讀頭風痊還如舊相識傾壺暢

幽怕以此復留滯歸驂幾時鞭

縣齋有懷

陽山縣齋作時貞元二十一年順宗新即位

少小尚竒偉平生足悲吒猶嫌子夏儒肯學樊遲稼事

業窺臯稷文章茂曹謝濯纓起江湖綴佩雜蘭麝悠悠

指長道去去策高駕誰為傾國媒自許連城價初隨計

吏貢屢入澤宮射雖免十上勞何能一戰霸人情忌殊

異世路多權詐蹉跎顏遂低挫折氣愈下冶長信非罪

侯生或遭罵懷書出皇都銜淚渡清灞身將老寂寞志

欲死閒暇朝食不盈腸冬衣纔掩骼枯駕切軍書既頻召

戎馬乃連跨大梁從相公彭城赴僕射弓箭圍狐兔絲

竹羅酒肉兩府變荒涼三年就休假求官去東洛去或作來



或作去官來東洛此謂貞元  
十五十六年冬如京調官也  
犯雪過西華塵埃紫陌春

風雨靈臺夜名聲荷朋友援引乏姻婭雖陪彤庭臣詎

縱青冥靴寒空聳危闕曉色曜脩架捐軀辰在丁

貞元十九

年十二月愈上天旱人飢疏  
被貶辰在丁上疏之日也

銜翻時方措投荒誠職分

領邑幸寬赦湖波翻日車嶺石坼天罅毒霧恒熏晝炎

風每燒夏雷威固已加颶勢仍相借氣象杳難測聲音

吁可怕夷言聽未慣越俗循猶乍指摘兩憎嫌睚眦互

猜訝祇緣恩未報豈謂生足藉嗣皇新繼明率土日流

化惟思滌瑕垢長去事桑柘斲蒿開雲扃壓潁抗風榭  
禾麥種滿地梨棗栽繞舍兒童稍長成雀鼠得驅嚇官  
租日輸納村酒時邀迓閒愛老農愚歸弄小女姪如今  
便可爾何用畢婚嫁

合江亭

諸本作題合江亭寄刺史鄒君亭在衡州負郭今之石鼓頭即其地也地形特

異巋然崛起於二水之間旁有朱陵洞唐人題刻散滿巖上愈自陽山量移江陵道衡山作

紅亭枕湘江蒸水會其左瞰臨眇空濶綠淨不可唾維

昔經營初邦君實王佐

此亭故相齊公暎所作

翦林遷神祠買地

費家貨梁棟宏可愛結構麗匪過伊人去軒騰茲宇遂

頽挫老郎來何暮高唱久乃和

宇文郎中炫又增其制

樹蘭盈九

畹栽竹逾萬个長綆汲滄浪幽蹊下坎坷波濤夜俯聽

雲樹朝對臥初如遺宦情終乃最郡課人生誠無幾事

往悲豈奈

一作那

蕭條絲歲時契濶繼庸懦勝事誰復論

醜聲日已播中丞黜凶邪天子閔窮餓君侯至之初閭

里自相賀

前刺史元澄無政廉使楊公中丞秦黜之朝廷遂用鄒君

淹滯樂閒曠勤

苦勸慵情為余掃塵階命樂醉衆座窮秋感平分新月

憐半破願書巖上石勿使泥塵浣

陪杜侍御遊湘西兩寺獨宿有題一首因獻楊

常侍

愈自陽山北還過潭作楊常侍憑也時觀察湖南

長沙千里平勝地猶在險況當江濶處斗起勢匪漸深

林高玲瓏青山上琬琰路窮臺殿闕佛事煥且儼剖竹

走泉源開廊架崖广

音巖因巖為屋

是時秋之殘暑氣尚未斂

羣行忘後先朋息棄拘檢客堂喜空涼華榻有清簟澗

蔬煮蒿片水果剝菱芡

音儉

伊余夙所慕陪賞亦云忝幸

逢車馬歸獨宿門不掩山樓黑無月漁火燦星點夜風  
一何喧杉檜屢磨颺猶疑在波濤怵惕夢成麗靜思屈  
原沈遠憶賈誼貶椒蘭爭妬忌絳灌共讒諂誰今悲生  
腸坐使淚盈臉翻飛乏羽翼指摘困瑕玷音珥音貂藩維  
重政化類分陝禮賢道何優奉已事苦儉大厦棟方隆  
巨川楫行剡經營誠少暇遊宴固已歎旅程愧淹留徂  
歲嗟荏苒平生每多感柔翰遇頻染展轉嶺猿鳴曙燈

青睞睞

岳陽樓別竇司直

竇庠時以武昌幕權岳州愈移江陵法曹道出岳陽樓作

洞庭九州間厥大誰與讓南匯羣崖水北注何奔放瀦  
為七百里吞納各殊狀自古澄不清環混無歸向炎風  
日搜攪幽怪多冗長去聲軒然大波起宇宙隘而妨音訪巍

我拔蒿華騰蹕較健壯聲音一何宏轟輶音渴車萬兩猶

疑帝軒轅張樂就空曠蛟螭露筍簏縞練吹組帳鬼神

非人世節奏頗跌踢陽施見誇麗陰閉感悽愴朝過宜

春口極北缺隄障夜纜巴陵洲叢芮纔可倂星河盡涵

泳俯仰迷下上餘瀾怒不已喧聒鳴甕盎明登岳陽樓  
輝煥朝日亮飛廉戢其威清晏息纖縵泓澄湛凝綠物  
影巧相況江豚時出戲驚波忽蕩漾時當冬之孟隙竅  
縮寒漲前臨指近岸側坐眇難望滌濯神魂醒幽懷舒  
以暢主人孩童舊握手乍忻悵憐我竄逐歸相見得無  
恙開筵交履烏爛漫倒家釀杯行無留停高柱送清唱  
中盤進橙栗投擲傾脯醬歡窮悲心生婉孌不能忘  
念昔始讀書志欲干霸王屠龍破千金為藝亦云亢愛

望音

才不擇行觸事得讒謗前年出官由

一作日

此禍最無妄

公卿採虛名擢拜識天仗姦猜畏彈射斥逐恣欺誑新  
恩移府庭逼側厠諸將于嗟苦鴛緩但懼失宜當追思  
南渡時魚腹甘所葬嚴程迫風帆劈箭入高浪顛沈在  
須臾忠鯁誰復諒生還真可喜尅已自懲創庶從今日  
後粗識得與喪事多改前好趣有獲新尚誓耕十畝田  
不取萬乘相細君知蠶織稚子已能餉行當掛其冠生  
死君一訪



送文暢師北遊

昔在四門館晨有僧來謁自言本吳人少小學城闕已  
窮佛根源粗識事輓軌攀拘屈吾真戒轄思遠發薦紳  
秉筆徒聲譽耀前閤從求送行詩屢造忍顛蹶今成十  
餘卷浩汗羅斧鉞先生閱窮巷未得窺剗刷又聞識大  
道何路補剗剔出其囊中文滿聽實清越謂僧當少安  
草序頗排訐上論古之初所以施賞罰下開迷惑胸  
窻音豁剗株屨音僧時不聽瑩若飲水救暍風塵一出門

時日多如髮三年竄荒嶺守縣坐深樾徵租聚異物詭

製怛巾襪幽窮誰共

一作共誰

語思想甚含噦

於月切

昨來得

京官照辟喜見蝎況逢舊親識無不比鷄蟹長安多門

戶弔慶少休歇而能勤來過重惠安可揭當今聖政初

恩澤完

許出切

狘

許月切

胡為不自暇飄戾逐鷓鷯僕射

領北門威德壓胡羯

謂田季安為魏博節度使

相公鎮幽都竹帛爛

勲伐

謂劉濟為幽州節度使

酒場舞閨姝獵騎圍邊月開張篋中

寶自可得津筏從茲富裘馬寧復茹藜蕨余期報恩後

謝病老耕垞音伐庇身指蓬茅逞志縱獫狁僧還相訪來

山藥煮可捭

答張徹

愈為四門博士時作張徹愈門下士又愈之從子塔

辱贈不知報我歌爾其聆首叙始識面次言後分形道  
途緜萬里日月垂十齡浚郊避兵亂一作難睢岸連門停

諸本作庭閣本作停停猶居也

肝膽一古劔波濤兩浮萍漬墨竄舊史

磨丹注前經義苑手秘寶文堂耳驚霆暄晨躡露烏暑

夕眠風櫺結友子讓抗

晉陽秋陸抗羊祜推僑札之好

請師我慚丁

左氏

尹公學射於廣公  
差差學於公孫丁

初味猶噉蔗遂通斯建瓴搜竒日有

富嗜善心無寧石梁平佺佺

音挺

沙水光泠泠乘枯摘野

豔沈細抽潛腥遊寺去陟獻尋徑返

一作反

穿汀緣雲竹

竦竦失路麻冥冥淫潦忽翻野平蕪眇開溟防泄塹夜

塞懼衝城晝局及去事戎轡相逢宴軍伶觥秋縱兀兀

獵旦馳駟駟從賦始分手朝京忽同舫

愈以徐州從事  
朝正京師與徹

同行急時促暗權戀月留虛亭畢事驅傳馬安居守窗螢

梅花灞水別宮

一作官

燭驪山醒省選逮投足鄉賓尚推

翎塵祛又一摻

所減切

淚皆

音漬

還雙熒洛邑得休告華山

窮絕陘倚巖晚海浪引袖拂天星日駕此迴轄金神所

司刑泉紳拖修白石劔攢高青磴蘚達

滑也

拳跼梯颺颺

伶俦悔狂已咋指垂誠仍鑄銘

沈顏遺李肇書謂退之託此以悲世人登高而

不知止且示戒焉

戎豸忝備列伏蒲愧分涇微誠慕橫草瑣力

摧撞筵疊雪走商嶺飛波航洞庭下險疑墮井守官類

拘囹荒餐茹獠蠱幽夢感湘靈刺史肅著蔡吏人沸蝗

螟點綴簿上字趨蹌閣前鈴賴其飽山水得以娛瞻聽

紫樹雕斐壘碧流滴瓏玲映波鋪遠錦插地列長屏愁  
狄酸骨死怪花醉魂馨潛苞絳實坼幽乳翠毛零赦行  
五百里月變三十蕓漸階羣振鷺入學誨螟蛉革甘謝  
鳴鹿壘滿慚罄瓶罔罔抱瑚璉飛飛睽鵲鴿魚鬣欲脫  
背虬光先照硯豈獨出醜類方當動朝廷勤來得晤語  
勿憚宿寒廳

薦士

薦孟郊於  
鄭餘慶也

周詩三百篇雅麗理一作訓誥曾經聖人手議論安敢

到五言出漢時蘇李首更號東都漸瀰漫派別百川導  
建安能者七卓犖變風操逶迤抵晉宋氣象日凋耗中  
間數鮑謝比近最清奧齊梁及陳隋衆作等蟬噪搜春  
摘花卉沿襲傷剽盜國朝盛文章子昂始高蹈勃興得  
李杜萬類困陵暴後來相繼生亦各臻閭奧有窮者孟  
郊受材實雄鷲冥觀洞古今象外逐幽好橫空盤硬語  
妥帖力排冪敷柔肆紆餘奮猛卷海潦榮華肖天秀捷  
疾逾響報行身踐規矩甘辱恥媚竈孟軻分邪正眸子

看瞭眊杳然粹而清可以鎮浮躁酸寒溧陽尉五十幾

何耄孜孜營甘旨辛苦久所冒俗流知者誰指注競嘲

傲聖皇索遺逸髦士日登造廟堂有賢相謂餘慶愛遇均

覆燾況承歸與張郊嘗為歸登張建封所知二公迭嗟悼青冥送吹

噓強箭射魯縞胡為久無成使以歸期告霜風破佳菊

嘉節迫吹帽念將決焉去感物增戀嫪盧到切彼微水中

苻尚煩左右芼魯侯國至小廟鼎猶納部幸當擇珉玉

寧有棄珪瑁悠悠我之思擾擾風中毒縣上言媿無路日



夜惟心禱鶴翎不天生變化在咏菀

鳥伏卯為菀

通波非難

圖尺地易可漕善善不汲汲後時徒悔慎救死具八珍  
不如一簞犒微詩公勿謂愷悌神所勞

喜侯喜至贈張籍張徹

愈初謫陽山令元和改元自江陵掾召國子博

士其從遊如喜如籍如徹皆會都下詩以是作

昔我在南時數君常在念搖搖不可止諷詠日喁噉如  
以膏濯衣每漬垢逾染又如心中疾鍼石非所砭常思  
得遊處至死無倦厭地遐物竒怪水鏡涵石劒荒花窮

漫亂幽獸工騰閃礙目不忍窺忽忽坐昏墊逢神多所  
祝豈忘靈即驗依依夢歸路歷歷想行店今者誠自幸  
所懷無一欠孟生去雖索侯氏來還歎歎眠聽新詩屋  
角月豔豔雜作承間騁交驚舌牙他念切澹吐舌貌續紛指瑕  
疵拒捍阻城塹以余經摧挫固請發鈔槩居然妄推讓  
見謂燕天燄比疎語徒妍悚息不敢占呼奴具盤餐飮  
餌魚菜贍人生但如此朱紫安足僭

古風

安史之後方鎮相望於內地大者連州十餘小者不下三四兵驕則逐帥帥強則叛

上不廷不貢往往而是故托古風  
以寓意觀詩意當在德宗朝作

今日曷不樂幸時不用兵無曰既蹙矣乃尚可以生彼  
州之賦去汝不顧此州之役去我奚適一邑之水可走  
而違天下湯湯曷其而歸好我衣服甘我飲食無念百  
年聊樂一日

駑驥

一作駑驥吟示歐陽詹詹與愈同第進士  
愈以徐州從事朝正於京詹時為國子監

四門  
助教

駑駘誠齷齪市者何其稠力小若

一作苦

易制價微良易

酬渴飲一斗水飢食一束芻嘶鳴當大路志氣若有餘

騏驥生絕域自矜無匹儔牽驅入市門行者不為留借

問價幾何黃金比嵩

一作崇

丘借問行幾何咫尺視九州

飢食玉山禾渴飲醴泉流問誰能為御曠世不可求惟

昔穆天子乘之極遐遊王良執其轡造父挾其輶因言

天外事茫惚使人愁駑駘謂騏驥餓死余爾羞有能必

見用有德必見收孰云時與命通塞皆自由騏驥不敢

言低徊但垂頭人皆劣騏驥共以駑駘優喟余獨興歎

才命不同謀寄詩一作言同心子為我商一作高聲謳

馬馱穀

馬馱穀兮士不馱糠粃土被文繡兮士無短一作短褐彼

其得志兮不我虞一朝失志兮其何如已焉哉嗟嗟乎

鄙夫

出門

長安百萬家出門無所之豈敢尚幽獨與世實參差古

人雖已死書上有其一作遺辭開卷讀且想千載若相期

出門各有道我道方未夷且於此中息天命一作誠不吾欺

嗟哉董生行

淮水出桐柏山東馳遙遙一作悠悠千里不能休淝水出其

側不能千里百里入淮流壽州屬縣有安豐唐貞元時

縣人董生召南隱居行義於其中刺史不能薦天子不

聞名聲爵祿不及門門外惟有吏日來徵租更索錢嗟

哉董生朝出耕一作至夜歸讀古人書盡日不得息或山

而一作于樵或水而一作于漁入厨具甘旨上堂問起居父

母不感感妻子不咨咨嗟哉董生孝且慈人不識惟有

天翁知生祥下瑞無時期家有狗乳出求食雞來哺其

兒啄啄庭中拾蟲蟻哺之不食鳴聲悲徬徨躑躅久不

去以翼來覆待狗歸嗟哉董生誰將與儔時之人夫妻

相虐兄弟為讐食君之祿而令父母愁亦獨何心嗟哉

董生無與儔或作誰將與儔  
或作誰與儔

### 烽火

登高望烽火誰謂塞塵飛  
王城富且樂曷不事光輝  
勿言日已暮相見恐行稀  
願君熟念此秉燭夜中歸  
我歌寧自感乃獨淚霑衣

汴州亂二首

德宗貞元十三年宣武節度使董晉辟愈為推官十五年晉薨公隨

晉喪歸既出四日宣武軍亂殺行軍司馬陸長源

汴州城門朝不開  
天狗墮地聲如雷  
健兒爭誇一作誘殺  
留後連屋累棟燒成灰  
諸侯咫尺不能救  
孤士何者自

興哀



母從子走者為誰大夫夫人留後兒

長源  
妻子

昨日乘車騎

大馬坐者起趨乘者下廟堂不肯用干戈嗚呼奈汝母子何

利劍

利劍光耿耿佩之使我無邪心故人念我寡徒侶持用  
贈我比知音我心如冰劍如雪不能刺讒夫使我心腐  
劍鋒折決雲中斷開青天噫劍與我俱變化歸黃泉

齷齷

齷齪當世士所憂在飢寒但見賤者悲不聞貴者歎大  
賢事業異遠抱非俗觀報國心皎潔念時涕汎瀾妖姬  
坐左右柔指發哀彈酒肴雖日陳感激寧為歡秋陰欺  
白日泥潦不少乾河堤決東郡老弱隨驚湍天意固有  
屬誰能詰其端願辱太守薦得充諫諍官排雲叫閭闔  
披腹呈琅玕致君豈無術自進誠獨難

御定全唐詩卷三百三十七

欽定四庫全書薈要卷一萬七千七百四十三集部

御定全唐詩卷三百三十八

韓愈

河之水二首寄子姪老成

老成愈兄介之子即所謂十二郎是也

河之水去悠悠我不如水東流我有孤姪在海陬

一作古

音隅將侯切亦與流通

三年不見兮使我生憂日復日夜復夜二

年不見汝使我鬢髮未老而先化

河之水悠悠去我不如水東注我有孤姪在海浦三年

不見兮使我心苦采蕨於山緡魚於淵我徂京師不遠  
其還

山石

山石犖确行徑微黃昏到寺蝙蝠飛升堂坐階新雨足

芭蕉葉大支

即梔  
字

子肥僧言古壁佛畫好以火來照所

見稀鋪牀拂席置羹飯疎糲亦足飽我飢夜深靜臥百  
蟲絕清月出嶺光入扉天明獨去無道路出入高下窮  
煙霏山紅澗碧紛爛漫時見松櫪皆十圍當流赤足蹋

澗石水聲激激風吹衣人生如此自可樂豈必局束為  
人鞿音嗟哉吾黨二三子安得至老不更歸

天星送楊凝郎中賀正

凝以戶部郎中為宣武軍判官愈時與同佐董

幕 晉

天星牢落雞喔咿僕夫起餐車載脂正當窮冬寒未已  
借問君子行安一作之會朝元正無不至受命上宰須  
及期待從近臣有虛位公今此去歸何時

汴泗交流贈張僕射

建封

汗泗交流郡城角築場十一作千步平如削短垣三面繚  
逶迤擊鼓騰騰樹赤旗新秋朝涼未見日公早結束來  
何為分曹決勝約前定百馬攢蹄近相暎毬驚杖奮合  
且離紅牛纓紱黃金羈側身轉臂著馬腹霹靂應手神  
珠馳超遙散漫兩閒暇揮霍紛紜爭變化發難得巧意  
氣麤謹聲四合壯士呼此誠習戰非為劇豈若安坐行  
良圖當今忠臣不可得公馬莫走須殺賊

忽忽

忽忽乎余未知生之為樂也願脫去而無因安得長翮  
大翼如雲生我身乘風振奮出六合絕浮塵死生哀樂  
兩相棄是非得失付閒人

鳴雁

嗷嗷鳴

鴻一作

雁鳴且飛窮秋南去春北歸去寒就暖識

所依

處一作

天長地濶棲息稀風霜酸苦稻梁微毛羽

一作

毛羽摧落身不肥  
喪回反顧羣侶違  
哀鳴欲下洲渚非  
江

南水濶朝

朔一作

雲多草長沙軟無網羅閒飛靜集鳴相

和違憂懷惠性匪他凌風一舉君謂何

龍移

此詩謂南山湫也湫初在平地一日風雷移居山上其山下湫遂化為土長安人至

今謂之

乾湫

天昏地黑蛟龍移雷驚電激雄雌隨清泉百丈化為土  
魚鼈枯死吁可悲

雉帶箭

此愈佐張僕射於徐從獵而作也

原頭火燒靜兀兀野雉畏鷹出復

一作伏欲

沒將軍欲以巧

伏入盤馬彎弓惜不發地形漸窄觀者多雉驚弓滿勁



箭加衝人決起百餘尺紅翎白鏃相一作隨傾斜將軍仰  
笑軍吏賀五色離披馬前墮

條山蒼

中條山在黃河之西

條山蒼河水黃浪波一作波浪泔泔去松柏在山一作高岡

贈鄭兵曹

尊酒相逢十載前君為壯夫我少年尊酒相逢十載後  
我為壯夫君白首我材與世不相當戢鱗委翅無復望  
當今賢俊皆周行君何為乎亦一作獨遑遑一作枉行到君莫

停手破除萬事無過酒

桃源圖

神僊有無何渺茫桃源之說誠荒唐流水盤迴山百轉  
生綃數幅垂中堂武陵太守好事者題封遠寄南宮下  
南宮先生忻得之波濤入筆驅文辭文工畫妙各臻極  
異境恍惚移於斯架巖鑿谷開宮室接屋連牆千萬日  
羸顛劉蹶了不聞地坼天分非所恤種桃處處惟開花  
川原近遠蒸一作蒸紅霞初來猶自念鄉邑歲久此地還

成家漁舟之子來何所物色相猜更問語大蛇中斷喪  
前王羣馬南渡開新主聽終辭絕共悽然自說經今六  
百年當時萬事皆眼見不知幾許猶流傳爭持酒食來  
相饋禮數不同樽俎異月明伴宿玉堂空骨冷魂清無  
夢寐夜半金雞啁晰鳴火輪飛出客心驚人間有累不  
可住依然離別難為情船開擢進一迴顧萬里蒼蒼煙  
水暮世俗寧知偽與真至今傳者武陵人

東方半

一作  
未明

東方半一作未

明大星沒獨有太白配殘月嗟爾殘月勿

相疑同光共影須臾期殘月暉暉太白睽睽雞三號更

五點

贈唐衢

衢應進士久而不第能為歌詩見人文章有所傷歎者讀訖必哭每與人言論

既別發聲一號音辭哀切聞者

莫不泣下故世稱唐衢善哭

虎有爪兮牛有角虎可搏兮牛可觸奈何君獨抱竒材  
手把鋤犁餓空谷當今天子急賢良甌函朝出開明光  
胡不上書自薦達坐令四海如虞唐

貞女峽

在連州桂陽縣秦時有女子化石在東岸穴中

江盤峽東春湍豪風雷

一作雷風

戰鬪魚龍逃懸流轟轟射

水府一瀉百里翻雲濤漂船擺石萬瓦裂咫尺性命輕

鴻毛

贈侯喜

愈貞元十七年七月二十二日與李景興侯喜尉遲汾同漁於洛有石刻在焉

詩必是時作

吾黨侯生字叔起

古起字

呼我持竿釣溫水平明鞭馬出

都門盡日行行荆棘裏溫水微茫絕又流深如車轍濶

容輒蝦蟆跳過雀兒浴此縱有魚何足求我為侯生不

能已盤針擘粒投泥滓晡時堅坐到黃昏手倦目勞方

一起暫動還休未可期蝦行蛭音質渡似皆疑舉竿引線

忽有得一寸纔分鱗與鬚是日侯生與韓子良久歎息

相看悲我今行事盡如此此事正好為吾規半世遑遑

就舉選一名始得紅顏衰人間事勢豈不見徒自辛苦

終何為便當提攜妻與子南入箕潁無還時叔起君今

氣方銳我言至切君勿嗤君欲釣魚須遠去大魚豈肯

居沮洳去聲

古意

太華峰頭玉井蓮  
開花十丈藕如船  
冷比雪霜甘比蜜  
一片入口沈痾痊  
我欲求之不憚遠  
青巒無路難夤緣  
安得長梯上摘實  
下種七澤根株連

八月十五夜贈張功曹

張功曹署也愈與署以貞元二十一年二月二

十四日赦自南方俱徙據江陵至是俟命於郴而作是詩

織雲四卷天無河  
清風吹空月舒波  
沙平水息聲影絕

一栢相屬君當歌君歌聲酸辭且苦不能聽終淚如雨  
洞庭連天九疑高蛟龍出沒猩鼯號十生九死到官所  
幽居默默如藏逃下牀畏蛇食畏藥海氣濕蟄熏腥臊  
昨者州前搥大鼓嗣皇繼聖登夔臯赦書一日行萬里  
罪從大辟皆除死遷者追迴流者還滌瑕蕩垢清朝班  
州家申名使家抑坎軻祇得移荆蠻判司卑官不堪說  
未免捶楚塵埃間同時輩流多上道天路幽險難追攀  
君歌且休聽我歌我歌今與君殊科一年明月今宵多



人生由命非由他，有酒不飲奈明月。

一作月

何

謁衡嶽廟遂宿嶽寺題門樓

五嶽祭秩皆

一作此

三公四方環鎮高，當中火維地荒足。

妖怪天假神柄專，其雄噴雲泄霧藏。半腹雖有絕頂誰

能窮，我來正逢秋雨節。陰氣晦昧無清

一作晴

風，潛心默

禱若有應，豈非正真能。感通須臾靜，掃衆峰出仰見。突

兀撐青

一作晴

空紫蓋連，延接天柱石。廩騰擲，堆祝融

衡山

有五峯紫蓋天柱石廩祝融芙蓉

森然魄動下，馬拜松柏一逕趨靈宮。

粉牆丹柱動光彩鬼物圖畫填青紅升階偃僂薦脯酒  
欲以菲薄明其衷廟令老人識神意睚眦伺能鞠躬  
手持柶琮導我擲云此最吉餘難同竄逐蠻荒幸不死  
衣食纔足甘長終侯王將相望久絕神縱欲福難為功  
夜投佛寺上高閣星月掩映雲腫朧猿鳴鐘動不知曙  
杲杲寒日生於東

岫嶽山

山海經衡山一名岫嶽山或以為衡  
山南麓別峯之名岫音矩嶽音縷

岫嶽山尖神禹碑字青石赤形模竒科斗拳身薤倒作一

業披鸞飄鳳泊拏虎螭事嚴跡秘鬼莫窺道人獨上偶

見之我來咨嗟涕漣洒干搜萬索何處有森森綠樹猿

猱悲

永貞行

貞元二十一年德宗崩順宗立改元永貞韋執誼王叔文等用事又謀奪中官

兵制天下之命是年八月皇太子即位帝自稱太上皇上貶執誼叔文等愈故作永貞行云

君不見太皇諒陰未出令小人乘時偷國柄北軍百萬

虎與貔天子自將非他師一朝奪印付私黨

是歲王叔文等以金

吾大將軍范希朝為左右神策諸行營節度使以韓泰為其行軍司馬叔文欲奪取宦官兵權以自固藉希朝

老將使主其名而實以  
泰專其事人情疑懼

懍懍朝士何能為狐鳴梟噪爭

署置賜

式亦切

睽

式冉切

跳踉相嫵媚夜作詔書朝拜官趨

資越序曾無難公然白日受賄賂火齊磊落堆金盤元

臣故老不敢語晝臥涕泣何汎瀾

王叔文用事一日詣相會食叔文至中書

欲與韋執誼計事執誼起迎諸相停箸以待有頃報叔文索飯已與韋相同餐閣中矣杜佑高郢懼不敢言鄭

珣瑜獨歎曰吾豈可復居此位索馬徑歸臥不起

董賢三公誰復惜侯景九錫

行可歎國家功高德且厚天位未許庸夫干嗣皇卓犖  
信英主文如太宗武高祖膺圖受禪登明堂共流幽州

絲死羽四門肅穆賢俊登數君匪親豈其朋郎官清要

為世稱荒郡迫野嗟可矜

謂貶禮部員外郎柳宗元部州司封郎中韓煜池州屯田

員外郎劉禹錫連州各郡刺史也

湖波連天日相騰蠻俗生梗瘴癘蒸

江氛嶺侵昏若凝一蛇兩頭見未曾怪鳥鳴喚令人憎  
蠱蟲羣飛夜撲燈雄虺毒螫墮股肱食中置藥肝心崩  
左右使令詐難憑慎勿浪信常兢兢吾嘗同僚情可勝  
具書目見非妄徵嗟爾既往宜為懲

洞庭湖阻風贈張十一署

時自陽山徙據江陵

十月陰氣盛北風無時休  
蒼茫洞庭岸與子維雙舟  
霧雨晦爭泄波濤怒相投  
犬雞斷四聽糧絕誰與謀  
相去不容步險如礙山丘  
清談可以飽夢想接無由  
男女喧左右飢啼但啾啾  
非懷北歸興何用勝羈愁  
雲外有白日寒光自悠悠  
能令暫開霽過是吾無求

李花贈張十一署

或作李  
有花

江陵城西二月尾花不見  
桃惟見李風揉雨練雪羞  
比波濤翻空杳無涖君知  
此處花何似白花倒燭天  
夜明

羣雞驚鳴官吏起金烏海底初飛來朱輝散射青霞開  
迷魂亂眼看不得照耀萬樹鱗如堆念昔少年著遊燕  
對花豈省曾辭杯自從流落憂感集欲去未到先思迴  
祇今四十已如此後日更老誰論哉力攜一尊獨  
就醉不忍虛擲委黃埃

杏花

居鄰北郭古寺空杏花兩株能白紅曲江滿園不可到  
看此寧避雨與風二年流竄出嶺外所見草木多異同

冬寒不嚴地恆泄陽氣發亂無全功浮花浪蘂鎮長有  
纔開還落瘴霧中山榴躑躅少意思照耀黃紫徒為叢  
鷓鴣鉤輦猿叫歇杳杳深谷攢青楓豈如此樹一來翫  
若在京國情何窮今旦胡為忽惆悵萬片飄泊隨西東

明年更發應更好道人

謂寺僧

莫忘鄰家翁

自謂

### 感春四首

我所思兮在何所情多地遐兮徧處處東西南北皆欲  
往千江隔兮萬山阻春風吹園雜花開朝日照屋百鳥



語三杯取醉不復論  
一生長恨奈何許

皇天平分成四時  
春氣漫誕最可悲  
雜花妝林草蓋地  
白日坐上傾天維  
蜂喧鳥咽留不得  
紅萼萬片從風吹  
豈如秋霜雖慘冽  
摧落老物誰惜之  
為此徑須沽酒飲  
自外天地棄不疑  
近憐李杜無檢束  
爛漫長醉多文辭  
屈原離騷二十五  
不肯舖啜糟與醅  
惜哉此子巧言語  
不到聖處寧非癡  
幸逢堯舜明四目  
條理品彙皆得宜  
平明出門暮歸舍  
酌酄馬上知為誰

朝騎一馬出，暝就一牀臥。詩書漸欲拋，節行久已情冠。

敬感髮禿語誤驚。

一作悲

齒墮孤負平生心，已矣知

一作如

何奈

一作那

我恨不如江頭人，長網橫江遮紫鱗。獨宿荒陂射鳧雁，  
賣納租賦官不嗔。歸來歡笑對妻子，衣食自給寧羞貧。  
今者無端讀書史，智慧祇足勞精神。畫蛇著足無處用，  
兩鬢霜一作雪白趨埃塵。乾愁漫解坐自累，與衆異趣誰  
相親。數椀澆腸雖暫醉，皎皎萬慮醒還新。百年未滿不

得死且可勤買拋青春

酒名唐人名酒多以春

寒食日出遊

自註張十一院長見示病中憶花九篇寒食日出遊夜歸因以投贈

張十一即功曹署外郎遺補相呼為院長愈與署同自御史貶官又同為江陵掾愈法曹參

軍署功

曹參軍

李花初發君始病我往看君花轉盛走馬城西惆悵歸  
不忍千株雪相映邇來又見桃與梨交開紅白如爭競  
可憐物色阻攜手空展霜鱗吟九詠紛紛落盡泥與塵  
不共新妝比端正桐華最晚今已籊君不強起時難更

關山遠別固其理寸步難見始知命憶昔與君同貶官  
夜渡洞庭看斗柄豈料生還得一處引袖拭淚悲且慶  
各言生死兩追隨直置心親無貌敬念君又署南荒吏  
路指鬼門幽且曷

張在江陵未幾邕管經  
畧使路恕署為判官

三公盡是知

音人曷不薦賢陛下聖囊空甌倒誰救之我今一食日  
還併自然憂氣損天和安得康強保天性斷鶴兩翅鳴  
何哀繫驥四足氣空橫今朝寒食行野外綠楊市岸蒲  
生一作芽迸宋玉庭邊不見人輕浪參差魚動鏡自嗟孤

賤足瑕疵特見放縱荷寬政飲酒寧嫌餞底深題詩尚  
倚筆鋒勁明宵故欲相就醉有月莫愁當火令

### 憶昨行和張十一

憶昨夾鍾之呂初吹灰上公禮罷元侯迴

上公一作杜  
公云杜佑自

淮南入朝也一作社公云此為荆帥裴均罷社享客也  
朱熹考異云左傳五行之官封為上公杜註用幣於社

云以請於上公則  
上公即社神也

車載牲牢甕卑酒並召賓客延鄒枚

腰金首翠光照耀絲竹迴發清以哀青天白日花草麗  
玉笋屢舉傾金罍張君名聲座所屬起舞先醉長松摧

宿醒未解舊店作深室靜臥聞風雷自期殞命在春序

屈指數日憐嬰孩危辭苦語感我耳淚落不掄何漼漼

念昔從君渡湘水大帆夜劃窮高桅陽山鳥路出臨武

愈責連之陽山令張為柳之驛馬拒地驅頻墮一作槌

臨武柳在江南連則廣南也權也踐蛇茹蠱不擇死忽有飛詔從天來伍文未揃崖州執

誼熾雖得赦宥恒愁猜近者三姦悉破碎元和元年正月順宗即位

二月大赦愈自陽山徙據江陵三姦方用事其年八月

憲宗立伍貶開州司馬叔文渝州司戶並員外置十一月繼貶執誼崖州司羽窟無底幽黃能眼中了了見鄉

國知有歸日眉方開今君縱署天涯吏投檄北去何難  
哉無妄之憂勿藥喜一善自足禳千災頭輕目朗肌骨  
健古劍新劔磨塵埃殃消禍散百福併從此直至耆與  
鮑嵩山東頭伊洛岸勝事不假須穿栽君當先行我待  
滿沮溺可繼窮年推

御定全唐詩卷三百三十八